

2019

AÑA DI FAMILIA
Y DI CUIDO DI NOS
MUCHANAN

ISLA(•)NLINE

Dialuna 13 Mei 2019

Email: prensa@arubagovernment.aw Tel: 528-4900

CU UNION Y PAS TIN
PROSPERIDAD


Isla Online

Noticia Di Gobierno



GOBIERNO DI ARUBA

Mei 2019


 MINISTER EVELYN WEVER-CROES

Prome Minister di Aruba

Den un manifestacion pasivo di conscientisacion contra abuso sexual di menor: FUNDACION LISETTE GOMEZ A ENTREGA MANIFESTO Y RAPPORTNAN CU NAN A ENTREGA NA GOBIERNO ANTERIOR


Fundacion Lisette Gomez, cu tin casi 10 aña ta lucha riba e tereno di abuso di menor, den un manifestacion pasivo diabierna ultimo, a presenta na Gobierno e diferente manifesto y rapportnan cu el a entrega den pasado na Gobierno anterior, pero cu e Gobierno aki nunca a ricibi pa motibo cu no tabata tin traspaso debido di informacion. E fundacion a trece dilanti tambe cerca Prome Minister Evelyn Wever-Croes na preocupacionnan y plannan cu nan tin pa yuda combati abuso sexual di mucha.

Aruba, den e ultimo simannan, a wordo informa di diferente caso di abuso di menor cu un biaha mas a causa hopi reaccion den nos comunidad. Pa cua motibo tambe, Gabinete Wever-Croes, representa pa Minister di Asuntonan Social, Minister di Salubridad, Minister di Husticia, Minister di Enseñansa y Prome Minister, a duna declaracionnan amplio riba tur locual e Ministernan encarga cu e tema aki y Gobierno en general a haci y ta haciendo riba e problematica aki cu ta afecta nos pueblo en especial nos muchanan.

Na e momento cu Gabinete Wever-Croes a cuminsa goberna, mesora a nota un negligencia grandi riba e veld social pa cua motibo tambe mesora a cuminsa traha riba e Social Crisis Plan. E plan aki ta traha riba e crisis social mientras tambe Gobierno ta trahando riba e prevencion di e tipo di abusonnan aki.

Esfuersonan di Gobierno pa sigui ataca abuso sexual di mucha ta continua. Gobierno di Aruba lo traha hopi di cerca cu sra. Lisette Gomez riba e problema serio di abuso sexual di menor. Hunto lo traha riba prevencion y riba e castigonan mas halto.

"Abuso sexual di menor ta dal nos tur hopi duro den nos curason. E tema y maneho tin un prioridad hopi halto riba agenda di Gabinete Wever-Croes y nos lo no laga nada desvia nos for di nos meta pa bringa e crimen aki contra nos muchanan. Ora cu nos ta bisa cu nos ta pone e ser humano central, cada mucha tambe ta central", Prome Minister a enfatisa.



Prome Minister Evelyn Wever-Croes:

PROME MINISTER TA NA WASHINGTON DEN UN MISSION CONHUNTO PA TRATA TOPICO DI VENEZUELA Y REFINERIA

Dialuna y diamars, Prome Minister ta na Washington Merca pa un Mision Conhunto cu Embahador di Reino na Washington, sr. Schuwer a organisa. Prome Minister di Corsou Eugene Rhuggenaath hunto cu su delegacion y Prome Minister di Aruba Evelyn Wever-Croes hunto cu su delegacion lo compaña e Embahador di Reino na algun reunion durante e dos dianan aki. Riba agenda tin varios reunion cu tin como punto central tanto e refineria como tambe e impacto cu e crisis migratorio di Venezuela tin riba Aruba. Lo reuni cu OFAC cu ta esnan cu ta atende cu e sancctionnan y tambe cu State Department tanto riba e topico di sancctionnan como riba e situacion di e crisis humanitario en general.

Na Capitol Hill tambe lo tuma luga reunionan cu congresistanan Mericano unda cu lo enfatisa tambe e importancia di e impacto di e refineria y e impacto di e crisis migratorio tin riba economia di nos paisnan. Prome Minister a enfatisa cu ta importante pa nan realisa cu cada decision cu nan tuma aya tin su impacto grandi riba e islanan chikito manera Aruba y Corsou.

Lo reuni cu Camara di Comercio na Washington y lo topa cu varios inversionista potencial pa delibera riba e oportunidadnan economico cu e islanan tin di Brinda.

Tambe lo tin algun encuentronan entre otro cu IMF y WorldBank na unda tambe lo trata e tema di Venezuela y su impacto pa mira con Aruba por bin na remarke pa mas fondo pa yuda nos cu e problematica aki.



Lo reuni cu Secretario General di OAS sr. Almagro riba topico di Venezuela. E situacion humanitario lo wordo trata cu administrador di US AID, tambe cu representante especial di Venezuela na State Department, y cu Under Secretary Hale na State Department. E aspectonan di seguridad lo wordo trata cu oficina di National Security Advisor.


E prome reunionnan a cuminsa tempran mainta y lo bay ta hopi intensivo riba e diferente areanan menciona. Prome Minister lo ta bek na Aruba diaranson cu e speransa di trece bon noticia bek pa nos pais.



Un bon reunion cu sr. Elliott Abrams, Special Representative Venezuela na State Department riba e impacto di e situacion na Venezuela riba nos pais y e ultimo desaroyonan. Y con State Department por yuda nos cu alivia e sancctionnan di OFAC.



Reunion cu Bonnie Glick, Deputy Administrator na US AID, USA International Development Agency riba e situacion humanitario na Venezuela. Prome Minister a splica e impacto den nos pais y lo explora con nan por yuda nos alivia e situacion.



MINISTER XIOMARA RUIZ-MADURO

Minister di Finansa, Asuntonan Economico y Cultura

ARUBA TA CLA PA WORDO BAHÁ FO'I LISTA PRETO DI UNION EUROPEO



Recientemente Aruba a wordo poni riba lista preto di EU debi cu algun cambio den nos leyman no a keda efectua promer cu 1 di januari 2019. E cambionan necesario a keda pasa na april den Parlamento di Aruba y cu esaki awor Aruba ta cla pa wordo baha fo'i e lista preto di Union Europeo.

Union Europeo siguiendo e pasonan di e Organizacion pa Cooperacion y Desaroyo Economico OECD a haci un investigacion na aña 2015 riba regimen fiscal cu por ta causa daño y competencia inhusto entre paisnan miembro di e organizacion. Den e investigacion aki a sali na cla cu 3 regimen na Aruba ta wordo considera como competencia inhusto y no ta cuadra cu e reglanan di OECD. Ta trata aki di e San Nicolas Regime, e patentbox di e IPC regime nobo y e Vehiculo Transparente. Gobierno di Aruba a wordo acerca pa EU pa por haci e cambionan necesario, ya cu si no cumpli cu e reglanan nos Pais lo bay riba e lista preto di Paisnan cu ta permiti pa negoshi paga hopi menos of keda sin paga impuesto.

Gobierno a logra elimina e patentbox di e IPC regime nobo entrante 18 di oktober 2017 y a e boli e San Nicolas Regime na oktober 2018 conforme acuerdo cu EU, pero no a logra keda na cla na ora cu e cambionan na e Vehiculo Transparente promer cu e deadline di 1 di januari 2019. Pa e motibo aki, na maart EU a dicidi di pone Aruba riba nan lista preto di Paisnan cu no ta coopera cu un sistema fiscal husto.

Dia 4 di april 2019 e cambionan necesario den e leyman 'Algemene Landsverordening Belastingen' y e 'Landsverordening winstbelasting' a keda aproba pa Parlamento y dia 10 di april e 'Landsbesluit aanwijzing reële economische aanwezigheid transparante vennootschap' tambe a keda decreta. Cu e cambio di e leyman aki y e decreto, Aruba a cumpli cu e cambionan necesario y a manda esaki mesora pa EU pa por cuminsa e 'delisting process' pa por wordo baha fo'i e lista preto.

For di EU a recibi notificacion cu e Ley y e Decreto ta 'EU compliant' y pesey dia 17 di mei proximo durante e reunion di Ministers di Finanzas di EU, Aruba por wordo baha fo'i e lista preto y por figura atrobe entre e Paisnan cu tin un sistema fiscal cu no ta fomenta un competencia cu ta inhusto.



Bermuda and Barbados will be transferred to the EU tax haven grey list.

Photographer: Dursun Aydemir/Anadolu Agency/Getty Images

News

EU to Remove Aruba, Bermuda, Barbados From Tax Haven Blacklist

Posted May 10, 2019, 4:05 PM

By Joe Kirwin

- *EU finance ministers meeting May 17*
- *Will keep 12 countries on the EU blacklist*

The European Union will eliminate Aruba, Bermuda and Barbados from its tax haven blacklist because they are changing their corporate tax laws.

FINAL DI FESTIVAL ARTE DI PALABRA ABC 2019 NA KORSOU



Djasabra 18 di mei, Fundashon Arte di Palabra ta invitá un y tur pa asisti na final di Arte di Palabra ABC. Esaki ta di binti aña sigui ku Arte di Palabra, competencia literario na papiamento pa skol avansá, ta tuma lugá. Despues di kompetencia insular, a selectá 40 hóben ku lo topa otro den e competencia final di diasabra 18 di mei. Tin seis categoria y pa cada categoria lo entregá cinco premio.

Manera custumber, lo rindi homenahe tambe na algun baluarte ku ta duna un contribucion balioso na nos idioma. E aña akí e Tapushi Literario ta bay pa e siguiente personanan:

Aruba: Sra. Miriam Rosel-Koolman

Boneiro: Sr. Ubaldo Anthony

Kòrsou: Sra. Renate Joe, Sr. Cesar Palacios y Sr. Arthur Tjin-Kon-Fat.

Loporsigueprograma via facebook na curacaoliveentertainmenttv (Curaçao Live Entertainment tv) of artedipalabra, tambe por sigui e competencia na FM 88.3 Rock Korsou (10-12) y na radio Bo Guia 88.9 FM di Aruba).

Hermanito ta graba e programa pa pas'é na Canal 80 manera tabata e caso pa 16 aña kaba.

Na final di e programa, lo entregá e buki di hubileo Pòtpurí Arte di Palabra 2019 na e delegacion di Boneiro bao di guia di Sr. Johnny Leoneta di SKAL y na e delegacion di Aruba bao di direccion di drs. Siegfried Dumfries, direktor di DCA. Tambe lo percurá pa tur scol avansá na Aruba y Boneiro ricibí un pakete di buki, mescos cu e skolnan avansá na Kòrsou.

E competencia di Arte di Palabra por tuma lugá danki na contribucion di e spònsernan principal Banco Maduro, Fundashon di Planifikashon di Idioma y Prins Bernhard Cultuurfonds Caribisch Gebied. Tin tambe vários otro persona y instansia cu ta aportá na e proyekto akí. Un danki special ta bay na tur e spònsernan y colaboradó akí.

Un y tur ta invitá pa presencia e evento akí. Entrada ta grátis.

Fecha: diasabra mainta 18 di mei


Ora: 10 or di mainta pa 14.00 or di atardi.

Lugá: K.Center Brievengat

(Bethencourtstraat, kaya di ARBO/ UTS, banda di van Houten school.

Bin disfrutá di creatividad di nos hóbennan di Aruba, Boneiro y Kòrsou!





MINISTER GLENBERT F. CROES

Minister di Asunto Social y Labor

MUCHA NO LO BISA CU E TA SINTI ANSIEDAD, E LO BISA “MI TIN DOLOR DI BARICA!”



Departamento di Asunto Social

Segun cu muchanan ta crece y cu nan ta desaroya, nan ta experimenta un serie di reaccionnan emocional cu nan sa cu ta diferente y kisas hasta negativo, pero no tin e experiencia pa compronde cu kico nan ta bezig ta deal cu ne.

Sin embargo, nan lo avisa ora algo ta no ta bon, asina mes cu nan no ta completamente sigur kico e ta.

Mientras muchanan ta wak cosnan diferente cu nos, mester duna nan un vision mas profundo y un otro perspectiva di cualkier situacion simplemente pasobra nan no ta suficientemente educa of consciente di nan mes, manera un adulto. Pa nan, cu nan sentimentonan cu ta cambia y evoluciona constantemente, por ta confuso y e miho ta pa no duna un pronostico definitivo di nan salud. Alcontrario, nan lo conta nos di nan sintomanan y lo depende riba nos experiencia y sabiduria pa yuda nan.

Sin embargo, te un poco tempopasa ainda mayoria adulto no tabata consciente di e importancia di problemanan mental cerca mucha, apart di ADHD y otro problemanan di comportacion di mucha. Hasta como adulto ta parece cu ansiedad no ta wordo tuma na serio manera e mester wordo tuma, pasobra mayoria persona ta pensa cu ansiedad ta simplemente miedo di algo cu ta tuma over.

Pero ansiedad ta mucho mas cu esey y e por ta hopi pisa pa e persona cu mester deal cu ne.

Cua mucha no a yega di core sconde tras di su mayor pasobra ta scur pafo of pasobra e la scucha un zonido duro? Den e situacionnan aki, e mucha ta ansioso pero cu rason, sin cu mester preocupa. Pero den algun caso, e mucha por desaroya un problema di ansiedad cu por afecta su relacionnan, su educacion y su calidad di bida en general.

Estadisticonan recien a demostra cu 1 den cada 8 mucha ta desaroya un problema di ansiedad. Si e no wordo trata, e problema di ansiedad inicial aki, por converti den uno dificil pa mantene y den problemanan grave di soño y dependiente di substancianan.

Lamentablemente, ansiedad no trata por haci cu bo yiu ta sinti su mes no balora y por conduci cu e no por sobre sali den su estudio, lagando e sin alcanza su maximo potencial den bida.

Depresion hopi bes por ta consecuencia di un ansiedad durante fase di mucha, cu no a wordo trata.

E ora, kico nos por haci pa por haci un diferencia den un escenario tragico asina aki?

Siña pone atencion na e yoramento pa ayudo di bo yiu. Tin biaha nan expresionnan di ansiedad por ta mucho mas diferente cu bo ta spera, dus e ta yuda pa bo mantene bo mes atento di su factornan provocativo.

Busca e señalnan aki:

- Dolornan constante di barica durante situacionnan di stress

- Nervioso, preocupa
- Comportacion inkierto
- Evita persona/situacionnan cu por causa nan cualkier stress
- Drama pa cosnan chikito
- Dificultad cu cambio
- Perfeccionista extremo
- Mecanismo nan straño cu ta wordo consisti di haci daño na su mes, manera morde, rasca, kinipi of ranca cabey.

Si bo ta nota cu bo yiu tin stress constantemente, hasta na e punto cu e ta interveni den su actividadnan diario, busca ayudo di un terapeuta di confiansa. E deteccion trempan di e sintomanan por significa un chens grandi di intervencion di terapia, locual nifica cu remedi ni ta necesario. Miho cu tur cos, scucha di bo yiu. Uza bo miho huicio y keda atento na su conducta y custumbenan. Haciendo e cosnan aki semper por haci tur e diferencia den mundo.

OMO TANTA PRIMO/A AMIGO/A PADRASTRO MADRASTRA WELO/A

90 %

DI CASO DI ABUSO SEXUAL E VICTIMA CONOCE E ABUSADOR!

BAN STOP ABUSO SEXUAL DI MUCHA, BAN CUMINSA NA CAS!

GOBIERNO DI ARUBA

BAN NOS TUR HACI NOS PARTI: WAK CU KEN NOS TA LAGA NOS YIU!

N O S M U C H A N A N , N O S R E S P O N S A B I L I D A D

ANOCHI INFORMATIVO TOCANTE **ABUSOSEXUAL**

Organisa pa **APG, Fundacion Lisette Gomes y Gobierno di Aruba**

LUGAR Y FECHA:

MFA PARADERA 21 di Mei 2019

MFA SANTA CRUZ 28 di Mei 2019


MFA SAVANETA 4 di Juni 2019

MFA NOORD 11 di Juni 2019

ORARIO: **7:00PM**

STOP E SILENCIO
Y BAN LANTA PA NOS MUCHANAN!




 A portrait of Minister Andin Bikker, a man with a shaved head, wearing a light blue suit and a dark tie, smiling. The background is a blue and white abstract design.

MINISTER ANDIN BIKKER

Minister di Husticia, Seguridad y Migracion

NINGUN MOMENTO TA FALTA RESPET PA DERECHO DI ESUNNAN CU TA DETENI NA WARDA NOS COSTA

Segun Minister di Husticia mr.Andin Bikker

Tres siman pasa ora cu Secretario di Estado di Hulanda Sr. Knops y Minister Kajsa Ollongren di Binnenlandse Zaken tabata na Aruba, nan a bishita e facilidad di Warda nos Costa banda di aeropuerto. Segun Minister Bikker, nan a bay na e celnan di detencion unda nan por a mira y combersa cu e personanan pa asina constata pa nan mes e situacion di detencion cu no ta manera ta ser pinta.

Cu e personanan cu ta deteni pa ser deporta y ta haya fastioso cu nan mester ser priva di nan libertad pa ser expulsa, ta comprendibel. Pero bay bisa cu nan ta ser falta den cualquier aspecto di nan derecho humano, esey no ta cuadra cu berdad. Loke si ta ripara, cu bou di pretextonan no corecto nan no ta aplica pa asilo politico pero mas bien pa refugiado economico.

Tambe hopi biaha nan famia via facebook ta purba crea un impresion erroneo cu e meta pa nan haya meldplicht y esey ta algo otro. Segun Minister Bikker, tanto Sr. Knops como Minister Ollongren a bisa cu e facilidadnan di detencion ta cumpli cu e rekisitonan internacional pa por detene hende. Ta di compronde cu e personanan cera ta haya hopi fastioso cu nan ta ser priva di nan libertad, pero esey ta leyman di Aruba y nan mester respeta e leyman. Aruba ta un isla chikito y infraestructura ta limita.

Pa loke ta proceso di permiso hopi biaha tin hopi reclamo y via articulo 35 a pone cu ta bay tin un advies commissie.

Entretanto Minister Bikker a institui e Advies Commissie y nan trabou ta netamente pa procesa diferente reclamo cu por tin ora di procesa permiso. Por ehempel si un persona aplica di un permiso 6 pa bay 7, anto su paspoort no ta valido, y pa e motibo ey so el a ser nenga, esey ta algo cu no mester bay pasa den un ful un proceso pa bay apela na bezwaar advies commissie y te pa bay corte. E articulo 35 ta poni cu e comision ta evalua e tipo di casonan aki y duna un conseho unda e persona ta haya espacio pa trece un paspoort valido pa continua cu su permiso. E comision ta bay alivia e diferente tipo di keho manera esaki segun Minister Bikker.



Multa pisa lo ser duna!

ACCION POLICIAL Ariba Dump Ilegal


Pa proteha nos naturalesa y nos media ambiente nos mes como ser humano tin cu mantene y cuida nos medio ambiente. Un grupo di estudiante di distrito di San Nicolas cu ta den nan ultimo fase di nan estudio policial mester eherce un proyecto di medio ambiente.

Sin pensa dos biaha a toca e tema mesora ariba dump ilegal rond di nos isla. Un ehempel bibo ta na Sabana Basora na unda desconoci nan ta tira sushi den mondi y awor esaki a bira grandi y ta contaminando e area cu ta di naturalesa y residencial.

E proyecto aki ta inicia na San Nicolas y lo continua na e otro districtonan tambe. Hunto cu City Inspector, KPA lo tin diferente accion ariba dumpnan ilegal. Lo tin multa pisa pa personan cu ta tira sushi na lugar cu no ta apto.

Si abo mira of sa algo duna bo tips na email di limpiesasn@kparuba.com of yama 104 y duna bo informacion. Sea bo ta saca un potret of video di e personan cu ta tira sushi ilegal y mustra esaki na Polis of scibi e number di vehiculo cu bo mira. E team lo dirigi di biaha riba bo informacion y lo conduci un accion ariba esaki.

U
n Aruba limpi pa ami cu bibo por sigui biba riba dje!





UN FELIZ SIMAN

BAN BIBA DEN HARMONIA CU OTRO

Habri bo dia contento!
Cu un mente positivo,
Cla pa sigui padilanti!


Respeta otro pa otro respeta bo
Hunto nos por biba den harmonia!




SERVICIO • INTEGRIDAD • SEGURIDAD

POLIS

Nos ta bo amigo..



MINISTER ARMANDO LAMPE

Minister di Enseñansa, Ciencia y Desaroyo Sostenibel

KEEPING AN ART JOURNAL

Biblioteca Nacional Aruba ta ofrece un curso tocante di 'Keeping an Art Journal' pa e sernan creativo cu tin gana di explora e forma di expresion aki.

E curso ta cuminsa 14 di juni y tin duracion di 7 siman. Registracion ta posibel via info@bibliotecanacional.aw. Sesionnan ta diabierna atardi 5or pa 7or, 14 di juni, 21 di juni, 28 di juni, dia 5, 12, 19 y dia 26 di juli. E curso ta costa 125 florin.

Kico ta un 'Art Journal'?

Un 'Art Journal' ta un diario caminda ta warda idea, imahen, haci experimento, traha composicion nobo, experimenta cu material y color, dibuha, corta/pega (collage), usa tur sorto di material y tur tecnica pa yega na algo cu bo ta gusta. Tambe bo ta skirbi den dje, un combinacion di texto y imahen. Docente pa e curso ta sra. Lilly Peterson. Pa mas informacion por yama na biblioteca 582 1580 y puntra pa Gina.



2019 | AÑA DI FAMILIA Y
CUIDO DI MUCHANAN.

*Prioridad pa
Gobierno di Aruba
ta pa haci central
e cuido y desaroyo di
nos muchanan na
scol!*



UA Staff & Lecturers
are invited

Child Sexual Abuse:
Perceptions, Opinions &
Attitudes

Focus Group Discussions

**FRIDAY 17TH MAY
2019**

11:00 - 12:30 PM

GARDEN ROOM 2

contact:

clementia.eugene@ua.aw

[Click here to register](#)

RESUMEN DI SIMAN DI GOBIERNO DI ARUBA

6-12 MEI

- E impacto di e crisis Venezolano riba nos pais, y e tema di asilo politico a haya hopi atencion siman pasa. Durante un conferencia di prensa di un ora Gobierno a contesta hopi pregunta y a pidi tur hende pa no bay den panico, pa keda cabes trankil pa asina Gobierno por tin espacio pa atende cu tur e retonan di e crisis aki. Gobierno tin e retonan aki di asilo bou control. Gobierno tin e proceduranan 'in place' y ta ganando e casonan den Corte. Ta pesey tambe a reuni cu General de Vin di Marina Real pa intensiva e cooperacion y e esfuersonan pa tene nos costanan miho proteha. Nos ta prepara pa cualkier eventualidad. Y ta p'esey na fin di siman mester a cera e frontera, despues cu Venezuela a habri e frontera cu Aruba.



- Gobierno a continua cu reunionnan cu sindicatonan TOPA, SADA, SPA, SIMAR, y SEPPA riba diferente tema. Reunion a bay den bon ambiente y lo continua proximamente.

- Gobierno a presenta e proyecto "From Good to Great", un proyecto pa guia nos hobennan, y motiva nan pa nan ta exitoso den bida. Den e prome 6 luna di e proyecto 250 alumno di 9 scol a participa y den e siguiente 6 lunanan nos lo inclui 250 hoben mas.

- Esfuersonan di Gobierno pa sigui ataca abuso sexual di mucha ta continua. Fundacion Lisette Gomez cu tin casi 10 aña ta lucha riba e tereno aki, den un manifestacion pacifico a presenta na Gobierno e diferente manifesto y rapportnan cu el a entrega den pasado na Gobierno anterior pero cu e Gobierno aki nunca a ricibi pa motibo cu no tabata tin traspaso debido di informacion. Gobierno di Aruba lo traha hopi di cerca cu sra. Lisette Gomez riba e problema serio di abuso sexual di mucha. Hunto lo traha riba prevencion y riba e castigonan mas halto.

- A tuma luga na Aruba conferencia internacional tocante oceano organisa pa Unesco Aruba, despues a sigui e

encuentro intergubernamental cu delegacion di hopi pais di Intergovernmental Oceanographic Commission region Caribe, cu presentacion di Bucuti Tara Resort como ecofriendly enterprise.



- Dialuna y diamars a tuma luga pa prome biaha e nationale toets pa tur alumno cu ta den klas 6 di scol primario, pa garantisca cu cada mucha ta haya e tipo di scol avansa cu e merece.

- Colegio Conrado Coronel a planta dos mata como inicio di un proyecto di plantacion na scol den colaboracion cu Santa Rosa. Diabierna mainta Ministernan Chris Romero y Rudy Lampe y un delegacion di Santa Rosa, a sorpresa Colegio Conrado Coronel pa asina anuncia oficialmente cu nan scol a sali ganador di e proyecto Hofi Amistad. Masha pabien na Colegio Conrado Coronel.



Continuacion Pagina 18

- EPI a organiza un dia special dedica na e Siman di Enfermeria pa motiva studiantenan di enfermeria.

- Olimpiada Escolar ta un realidad bek despues di 8 aña, y tur alumno, mayornan, famianan ta wordo invita pa e apertura oficial di Olimpiada Escolar dia 24 mei na Compleho Deportivo Guillermo Prospero Trinidad. Gobierno kier stimula y promove deporte y di e manera aki ta compromete su mes pa haci'e.



- E di 29 edicion di Conferencia Anual di Turismo CATA 2019 a wordo teni na Aruba. Un conferencia importante pa nos turismo cu a conta cu presencia di varios partner, aerolineanan y agentenan di biahe di latino america.

- Siman pasa tabata e siman di enfermeria. Minister Oduber den nomber di Gabinete Wever-Croes a gradici tur enfermero y enfermeranan pa e gran labor cu nan ta haci pa nos pais.

- Gobierno/RDA a absorba subida di prijs di gasoline na april completamente y na mei parcialmente. Na april y juni prijs di gasoline no ta subi. E subida di 11,8 cent na mei ta pa cubri e subida di 3 luna, esta april, mei y juni, cu eigenlijk mester tabata 30 cent. Gobierno/RDA a absorba e diferencia. Awor ta bay calcula prijs di benta di gasoline na un otro forma, teniendo na cuenta e prijs di compra riba mercado internacional combina cu e reserva di producto almacena pa RDA/FMSA. Cu esaki Gobierno ta spera di por yega na un prijs di benta di gasoline na un manera mas beneficioso pa Pueblo.

- Reunion cu Aduana y ehecutivo di e sistema computerisa aduanero Asycuda riba funcionalidadnan cu por yuda haci e trabou aduanero mas eficiente na beneficio di comercio na Aruba.

- E poeta Clarette Quandus an entrega e buki 'Kibrando e

silencio' na Minister Xiomara Ruiz-Maduro. Gabinete Wever-Croes ta duna realce y e debido respet na poetanan local.

- Siman pasa a tuma luga un reunion cu e artista Maria Teresa Madariaga riba e buki conmemorativo cultural di 40 aña di servicio cultural door di Departamento di Cultura. Un buki den cual nos por haya informacion di nos artistanan local. E compilacion di e buki ta den fase final y pronto lo keda presenta na Pueblo di Aruba.



- Den un encuentro publico cu Parlamento di Aruba, Minister Andin Bikker a elabora entre otro riba e situacion caminda nos isla ta wordo confronta cu varios caso di uzo indebido di aplicacion pa asilo politico, y e pasonan concreto cu ta wordo tuma pa frena e desaroyo preocupante aki, entre nan e intencion pa introduci e asina yama "Schipholmodel", caminda lo evalua e peticionnan di asilo rapidamente y mientras lo por retene applicantenan durante dicho periodo den cuadro di screening pa seguridad, orden y salubridad publico.

- E Minister a elabora tambe riba cambionan cu a wordo haci den ley di LTU entrante december 2018, y cu tin pendiente pa wordo haci den e Toelatingsbesluit, entre otro pa introduci Advanced passenger information system (APIS) y Passenger name registration system (PNR), cual sistemanan lo aporta pa screen pasaheronan di antemano den cuadro di seguridad y pa entre otro evita cu por ehempel personanan ta purba drenta Aruba bow pretencion falso di bishita como turista, caminda cu nan intenshon real ta pa purba permanece aki sin un titulo debido. Tur esaki cu e meta di haci Aruba mas sigur.



GOBIERNO DI ARUBA

UN
Feliz Siman

TUR CAMINDA CU TA DIRIGI NA EXITO
MESTER PASA DEN TRABOU DURO
CU DEDICACION Y DETERMINACION
NOS TA LOGRA E EXITO
CU NOS TA PROPONE